



Broj: 02-05-39619-2/19
Sarajevo, 07.11.2019. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/14 – Novi prečišćeni tekst, 37/14 – Ispravka), Vlada Kantona Sarajevo na **46.** sjednici održanoj **07.11.2019.** godine, donijela je sljedeći

ZAKLJUČAK

1. Utvrđuje se Prijedlog zakona o izmjenama Zakona o radno-pravnom statusu poslanika u Skupštini Kantona Sarajevo.
2. Predlaže se Skupštini Kantona Sarajevo da pretrese i doneše zakon iz tačke 1. ovog Zaključka po skraćenom postupku, u skladu sa članom 158. Poslovnika Skupštine Kantona Sarajevo („Službene novine Kantona Sarajevo“, br. 41/12 – Drugi novi prečišćeni tekst, 15/13, 47/13, 47/15 i 48/16).

P R E M I J E R
Edin Forto

Dostaviti:

1. Predsjedavajući Skupštine Kantona Sarajevo
2. Zamjenica predsjedavajućeg Skupštine Kantona Sarajevo, gđa. Danijela Kristić
3. Skupština Kantona Sarajevo
4. Premijer Kantona Sarajevo
5. Ministarstvo pravde i uprave
6. Evidencija
7. Arhiva



BOSNA I HERCEGOVINA
FEDERACIJA BOSNA I HERCEGOVINE
KANTON SARAJEVO
VLADA

**ZAKON
O IZMJENAMA ZAKONA O RADNO-PRAVNOM STATUSU
POSLANIKA U SKUPŠTINI KANTONA SARAJEVO**

(Prijedlog)

Nosilac izrade:
Ministarstvo pravde i uprave

Sarajevo, oktobar 2019. godine

Na osnovu člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96 - Ispravka, 3/96 - Ispravka, 16/97, 14/00, 4/01, 28/04, 6/13 i 31/17), Skupština Kantona Sarajevo, na _____ sjednici održanoj _____ 2019. godine, donijela je

(Prijedlog)

**ZAKON
O IZMJENAMA ZAKONA O RADNO-PRAVNOM STATUSU
POSLANIKA U SKUPŠTINI KANTONA SARAJEVO**

Član 1.

(Izmjena člana 12.)

U Zakonu o radno-pravnom statusu poslanika u Skupštini Kantona Sarajevo ("Službene novine Kantona Sarajevo", broj 29/12 – Prečišćeni tekst i 9/15), član 12. mijenja se i glasi:

„Član 12.

(Primjena odgovarajućih propisa)

Za donošenje i dostavljanje rješenja iz člana 11. ovog zakona, primjenjuju se odgovarajuće odredbe zakona kojim se reguliše upravni postupak, a u pogledu rokova primjenjuju se odgovarajuće odredbe zakona Kantona Sarajevo i drugih propisa kojima je regulisano rješavanje prava i obaveza državnih službenika“.

Član 2.

(Izmjena člana 13.)

Član 13. mijenja se i glasi:

“Član 13.

(Stručne službe Skupštine)

Za obavljanje normativno-pravnih, studijsko analitičkih, stručno-operativnih, administrativno-tehničkih i drugih poslova za potrebe Skupštine, radnih tijela Skupštine, poslanika, predsjedavajućeg Skupštine, zamjenika predsjedavajućeg Skupštine, klubova poslanika i klubova naroda, Vlada Kantona Sarajevo osniva stručne službe”.

Član 3.

(Izrada prečišćenog teksta)

Ovlašćuje se Zakonodavno-pravna komisija Skupštine Kantona Sarajevo da utvrdi Prečišćeni tekst Zakona o radno-pravnom statusu poslanika u Skupštini Kantona Sarajevo.

Član 4.

(Stupanje na snagu)

Ovaj zakon stupa na snagu osmog dana od dana objavljivanja u „Službenim novinama Kantona Sarajevo“.

Broj _____

**PREDSJEDAVAJUĆI
SKUPŠTINE KANTONA SARAJEVO**

Sarajevo,_____

Elmedin Konaković

OBRAZLOŽENJE

PRAVNI OSNOV

Pravni osnov za donošenje ovog zakona sadržan je u odredbama člana 18. tačka b) Ustava Kantona Sarajevo, kojim je utvrđena zakonodavna nadležnost Skupštine Kantona Sarajevo u pitanjima iz svoje nadležnosti.

RAZLOZI DONOŠENJA

Zakonom o radno-pravnom statusu poslanika u Skupštini Kantona Sarajevo uređuje se radno-pravni status poslanika u Skupštini Kantona Sarajevo, koji se odnosi na plaće, naknade i druga prava iz radnog odnosa, u skladu sa ovim zakonom.

Razlog donošenja ovog zakona sadržan je u potrebi da se jasno uredi koje će propise Komisiji za izbor, imenovanja i administrativna pitanja Skupštine Kantona Sarajevo primjenjivati u postupku donošenja i dostavljanja rješenja, kao i rokova za njihovo donošenje i dostavljanje, kada bude odlučivala o pojedinačnim pravima poslanika, kroz izmjenu člana 12. zakona.

Naime, odredbama člana 12. Zakona o radno-pravnom statusu poslanika u Skupštini Kantona Sarajevo je propisano da za donošenje i dostavljanje rješenja iz člana 12. ovog zakona, primjenjuju se odgovarajuće odredbe zakona kojim se reguliše upravni postupak, a u pogledu rokova primjenjuju se odgovarajuće odredbe federalnog zakona kojima je regulisano rješavanje prava i obaveza državnih službenika.

U navedenom članu odredba „donošenje i dostavljanje rješenja iz člana 12. ovog zakona“, je pogrešna, jer je u članu 11. ovog zakona propisano da o pojedinačnim pravima poslanika utvrđenih ovim zakonom i drugim aktima, odlučuje rješenjem Komisija za izbor, imenovanja i administrativna pitanja Skupštine Kantona Sarajevo.

Dalje, u odredbama člana 12. je propisano da u pogledu rokova kod donošenja i dostavljanja rješenja primjenjuju se odgovarajuće odredbe federalnog zakona kojima je regulisano rješavanje prava i obaveza državnih službenika.

Međutim, u Kantonu Sarajevo donesen je Zakon o državnoj službi u Kantonu Sarajevo („Službene novine Kantona Sarajevo“, broj 31/16), kao i provedbeni propisi doneseni na osnovu ovog zakona, te Zakon o plaćama i naknadama u organima vlasti Kantona Sarajevo („Službene novine Kantona Sarajevo“, br. 33/11, 5/13 i 9/15), kao i provedbeni propisi doneseni na osnovu navedenog zakona, kojima je regulisano rješavanje prava i obaveza državnih službenika u Kantonu Sarajevo.

Kroz izmjenu člana 12. ovim zakonom se uređuje da Komisija za izbor, imenovanja i administrativna pitanja Skupštine kod odlučivanja o pojedinačnim pravima poslanika utvrđenih ovim zakonom i drugim aktima donosi rješenje. Za donošenje i dostavljanje rješenja primjenjuju se odgovarajuće odredbe zakona kojim se reguliše upravni postupak, a u pogledu rokova primjenjuju se odgovarajuće odredbe zakona Kantona Sarajevo i drugih propisa kojima je regulisano rješavanje prava i obaveza državnih službenika.

Također, razlog donošenja ovog zakona sadržan je u potrebi da se u članu 13. otkloni nepravnost kojim je propisano da za obavljanje normativno-pravnih, studijsko analitičkih, stručno-operativnih, administrativno-tehničkih i drugih poslova za potrebe Skupštine, radnih tijela Skupštine, poslanika, predsjedavajućeg Skupštine, zamjenika predsjedavajućeg Skupštine, klubova poslanika i klubova naroda, Skupština Kantona Sarajevo osniva stručne službe.

Navedena odredba je u suprotnosti sa odredbom člana 54. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj 35/05), koji glasi:

“Član 54.

Za obavljanje određenih stručnih, tehničkih i drugih poslova za potrebe organa uprave i upravnih organizacija mogu se osnivati stručne, tehničke i druge zajedničke ili samostalne službe, ili druga tijela. Službe i druga tijela iz stava 1. ovog člana osnivaju sljedeći organi i to:

- 1) Vlada Federacije za svoje potrebe i potrebe federalnih organa uprave i federalnih upravnih organizacija;
- 2) vlada kantona za svoje potrebe i potrebe kantonalnih organa uprave i kantonalnih upravnih organizacija;
- 3) općinski načelnik, odnosno gradonačelnik za svoje potrebe i potrebe općinskih, odnosno gradskih organa uprave i upravnih organizacija.

Aktom o osnivanju službi, ili drugih tijela iz stava 1. ovog člana utvrđuje se: naziv službe, odnosno tijela, nadležnost, rukovođenje, odgovornost i druga pitanja od značaja za organizaciju i rad službe, odnosno tijela, a može se, ako to priroda poslova zahtijeva, odrediti da služba, odnosno drugo tijelo ima svojstvo pravnog lica.

Za obavljanje određenih tehničkih poslova, kao što su ugostiteljske usluge, održavanje čistoće i drugi slični poslovi mogu se angažirati pravna lica koja se bave tim poslovima, o čemu organi iz stava 2. ovog člana zaključuju ugovor ako je takav način obavljanja tih poslova racionalniji, efikasniji i ekonomičniji”.

Dalje, prema postojećem stanju, Služba za skupštinske poslove Skupštine Kantona Sarajevo osnovana je Uredbom Vlade Kantona Sarajevo.

Kroz izmjenu člana 13. ovim zakonom jasno se uređuje da za obavljanje normativno-pravnih, studijsko analitičkih, stručno-operativnih, administrativno-tehničkih i drugih poslova za potrebe Skupštine, radnih tijela Skupštine, poslanika, predsjedavajućeg Skupštine, zamjenika predsjedavajućeg Skupštine, klubova poslanika i klubova naroda, Vlada Kantona Sarajevo osniva stručne službe.

PRAVNA RJEŠENJA

Član 1. - U članu 12. Zakona uređuje se da Komisija za izbor, imenovanja i administrativna pitanja Skupštine kod odlučivanja o pojedinačnim pravima poslanika utvrđenih ovim zakonom i drugim aktima, dužna donjeti i dostaviti rješenje u skladu sa odgovarajućim odredbama zakona kojim se reguliše upravni postupak, a u pogledu rokova primjenjuju se odgovarajuće odredbe **zakona Kantona Sarajevo i drugih propisa** kojima je regulisano rješavanje prava i obaveza državnih službenika.

Član 2.- U članu 13. Zakona predlaže se da za obavljanje normativno-pravnih, studijsko analitičkih, stručno-operativnih, administrativno-tehničkih i drugih poslova za potrebe Skupštine, radnih tijela Skupštine, poslanika, predsjedavajućeg Skupštine, zamjenika predsjedavajućeg Skupštine, klubova poslanika i klubova naroda, **Vlada Kantona Sarajevo osniva stručne službe, a ne Skupština Kantona Sarajevo, kako je do sada bilo propisano.**

Član 3.- Predlaže se izrada prečišćenog teksta zakona.

Član 4. - Utvrđuje se rok za stupanje na snagu ovog zakona.

SKRAĆENI POSTUPAK

Predlaže se donošenje ovog zakona po skraćenom postupku, u skladu sa članom 158. Poslovnika Skupštine Kantona Sarajevo („Službene novine Kantona Sarajevo“, broj 41/12- Drugi novi prečišćeni tekst i br.15/13, 47/13, 47/15 i 48/16), jer nije u pitanju složen i obiman zakon.

POTREBNA FINANSIJSKA SREDSTVA

Za provođenje ovog zakona nisu potrebna dodatna finansijska sredstva iz Budžeta Kantona Sarajevo.

PRILOZI

ODREDBE KOJE SE MIJENJAJU:

ZAKON O RADNO-PRAVNOM STATUSU POSLANIKA U SKUPŠTINI KANTONA SARAJEVO

("Službene novine Kantona Sarajevo", broj 29/12 – Prečišćeni tekst, 9/15)

Član 12.

(Primjena odgovarajućih propisa)

Za donošenje i dostavljanje rješenja iz člana **12.** ovog zakona, primjenjuju se odgovarajuće odredbe zakona kojim se reguliše upravni postupak, a u pogledu rokova primjenjuju se odgovarajuće odredbe **federalnog zakona** kojima je regulisano rješavanje prava i obaveza državnih službenika.

Član 13.

(Stručne službe Skupštine)

Za obavljanje normativno-pravnih, studijsko analitičkih, stručno-operativnih, administrativno-tehničkih i drugih poslova za potrebe Skupštine, radnih tijela Skupštine, poslanika, predsjedavajućeg Skupštine, zamjenika predsjedavajućeg Skupštine, klubova poslanika i klubova naroda, **Skupština** osniva stručne službe.

USTAV KANTONA SARAJEVO


Član 18. tačka b)

Nadležnosti Skupštine

Skupština Kantona:

- b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;

Bosna i Hercegovina
Federacija Bosne i Hercegovine
KANTON SARAJEVO
Ured za zakonodavstvo Vlade
Kantona Sarajevo




Босна и Херцеговина
Федерација Босне и Херцеговине
КАНТОН САРАЈЕВО
Уред за законодавство Владе
Кантона Сарајево

Bosnia and Herzegovina
Federation of Bosnia and Herzegovina

CANTON SARAJEVO
Office for legislature of Sarajevo Canton
Government

Broj: 09-02-37638/19
Sarajevo, 23.10.2019. godine



KANTON SARAJEVO
MINISTARSTVO PRAVDE I UPRAVE

PREDMET: Stručno mišljenje na prijedlog Zakona o izmjenama Zakona o radno-pravnom statusu poslanika u Skupštini Kantona Sarajevo.-

Na osnovu člana 2. Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj: 7/06-Prečišćeni tekst) i člana 4. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17- Drugi novi prečišćeni tekst i 2/18- Ispravka), Ured za zakonodavstvo Vlade Kantona Sarajevo, daje slijedeće

M I Š L J E N J E

1. Ured za zakonodavstvo Vlade Kantona Sarajevo (u daljem tekstu: Ured) nema primjedbi na dostavljeni tekst prijedloga Zakona o izmjenama Zakona o radno-pravnom statusu poslanika u Skupštini Kantona Sarajevo (u daljem tekstu: Zakon), po pitanju njegove usklađenosti sa odredbama ustava, kao i pozitivno-pravnih propisa koji su navedeni u obrazloženju predmetnog materijala.

Predloženim odredbama čl. 1. i 2. Zakona, vrši se međusobno usklađivanje odredbi zakona i drugih pozitivno-pravnih propisa po pitanjima koja su predmetom regulisanja ovog propisa.

S tim u vezi, posebno napominjemo da je članom 31. stav (1) Zakona o Vladi Kantona Sarajevo ("Službene novine Kantona Sarajevo", broj: 36/14-Novi prečišćeni tekst i 37/14-Ispravka), propisano da **Vlada Kantona Sarajevo** može osnivati određene stručne, tehničke i druge službe, kao zajedničke i samostalne službe, za potrebe Skupštine Kantona, Vlade Kantona i organa uprave, dok je odredbama člana 13. Zakona o radno-pravnom statusu poslanika u Skupštini Kantona Sarajevo, propisana nadležnost Skupštine Kantona Sarajevo da osniva svoje stručne službe.

Predloženim izmjenama Zakona ukida se različito regulisanje ovog pitanja, a preporuka je ovog Ureda da se nosilac pripreme predmetnog materijala vezano za član 2. prijedloga Zakona pozove i na odredbe člana 31. Zakona o Vladi Kantona Sarajevo.



2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17- Drugi novi prečišćeni tekst i 2/18- Ispravka), te se isti može razmatrati na jednoj od narednih sjednica Vlade Kantona Sarajevo.

Dostaviti:
1. Naslovu
2. Evidencija
3. Arhiva



SEKRETAR

Ahmed Ljuboović, dipl.pravnik



web: <http://vlada.ks.gov.ba>
e-mail: uz@uz.ks.gov.ba
Tel: + 387(0)33 560-449
Sarajevo, Hamida Dizdara 1



29 - 10 - 2019

3180

РБ1

Bosna i Hercegovina
Federacija Bosne i Hercegovine
KANTON SARAJEVO
Ministarstvo finansija



Босна и Херцеговина
Федерација Босне и Херцеговине
КАНТОН САРАЈЕВО
Министарство финансија

Bosnia and Herzegovina
Federation of Bosnia and Herzegovina
CANTON SARAJEVO
Ministry of Finance

Broj: 08-01-02-37636/19 A.Z.
Sarajevo, 22.10.2019. godine

KANTON SARAJEVO
MINISTARSTVO PRAVDE I UPRAVE

Predmet: Mišljenje na Prijedlog zakona o izmjenama Zakona o radno-pravnom statusu poslanika u Skupštini Kantona Sarajevo

Veza: Vaš dopis, broj: 03-03-02-1777/18 od 15.10.2019. godine

Vezano za Vaš zahtjev za mišljenje na Prijedlog zakona o izmjenama Zakona o radno-pravnom statusu poslanika u Skupštini Kantona Sarajevo, u skladu sa članom 8 Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, br. 34/16 i 15/18), dajemo sljedeće mišljenje:

Ministarstvo pravde i uprave Kantona Sarajevo je postupilo u skladu sa navedenim Pravilnikom i Ministarstvu finansija uz Prijedlog zakona o izmjenama Zakona dostavilo na mišljenje popunjeno i potpisano obrazac IFP-NE u kojem je data sljedeća izjava: „Prijedlog zakona o izmjenama Zakona o radno-pravnom statusu poslanika u Skupštini Kantona Sarajevo ne zahtjeva izdvajanje dodatnih sredstava iz Budžeta Kantona Sarajevo.“.

Obzirom da za provođenje Prijedloga zakona o izmjenama Zakona nisu potrebna dodatna sredstva iz Budžeta Kantona Sarajevo, na navedeni Prijedlog zakona o izmjenama Zakona o radno-pravnom statusu poslanika u Skupštini Kantona Sarajevo, Ministarstvo finansija, sa aspekta fiskalnog učinka na Budžet, nema primjedbi.

Dostaviti:

1. Naslovu
2. MF – Sektor za budžet i fiskalni sistem
3. a/a

Pripremili: Alma Zildžić, mr. oec.

Adin Šendro, mr. oec.

Kontrolisala: Amina Močević, mr.



web: <http://mf.ks.gov.ba>

e-mail: mf@mf.ks.gov.ba

Tel: + 387 (0) 33 565-005, Cent.+ 387 (0) 33 565-000

Fax: + 387 (0) 33 565-052 i 565-048

Sarajevo, Maršala Tita 62



OBRAZAC IZJAVA O FISKALNOJ PROCJENI

Obrazac IFP NE

A 1. Obradivač propisa

	KOD	NAZIV
Razdjel		Ministarstvo pravde i uprave Kantona Sarajevo

B 2. Osnovni podaci o prijedlogu propisa

Vrsta propisa/akta	Zakon	DA	Odluka	NE	Strategija	NE
Uredba		NE	Drugi akti	NE	Drugi akti planiranja	NE
Naziv propisa/akta	Prijedlog Zakona o izmjenama Zakona o radno-pravnom statusu poslanika u Skupštini Kantona Sarajevo					

C 3. Izjava o nepostojanju dodatnih fiskalnih efekata predloženog propisa

Prijedlog Zakona o izmjenama Zakona o radno-pravnom statusu poslanika u Skupštini Kantona Sarajevo ne zahtjeva izdvajanje dodatnih sredstava iz Budžeta Kantona Sarajevo

D 4. Pečat i potpis odgovornog lica

Ministarstvo pravde i uprave Kantona Sarajevo ministrica Lejla Brčić

Mjesto i
datum

Sarajevo, 15.10.2019. godina